

前漢書卷之十下

卷之十下

漢書卷之十下

漢書卷之十下

漢書卷之十下

漢書卷之十下

漢書卷之十下

漢書卷之十下

漢書卷之十下

漢書卷之十下

成都將軍臣崇實

頭品頂戴四川總督臣吳棠

四川布政使臣王德固

四川按察使臣英祥

四川鹽茶道臣傅慶貽

四川成綿道臣孫濂率屬敬謹奏刊

道銜前貴州候補知府

臣

繆煥章

同知銜甘肅委用知縣

臣

錢寶宣

候選

教

諭

臣

呂兆奎

舉

人

臣

張人瑞

舉

人

臣

繆荃孫敬謹分校

同知銜候選知縣

臣

邱廣生

附貢

生

臣

周錫瑩敬謹覆校

前漢書卷九十九下

漢 蘭 臺 令 史班 固撰

唐正議大夫行祕書少監琅邪縣開國子顏師古注

王莽傳第六十九下

四年五月莽曰保成師友祭酒唐林故諫議祭酒琅邪

紀逡

師古曰逡音千旬反字或從彳其音同耳

孝弟忠恕敬上愛下博通舊

聞德行醇備至於黃髮靡有愆失

師古曰黃髮老稱謂白髮盡落更生黃者

其封林爲建德侯逡爲封德侯位皆特進見禮如三公

師古曰朝見之禮

賜第一區錢三百萬授几杖焉六月更授諸

侯茅土於明堂曰予制作地理建封五等考之經藝令

之傳記通於義理

○宋祁曰考之合之下各當添於字通字下當添之字

論之思

之至於再三自始建國之元以來九年于茲廼今定矣

予親設文石之平陳菁茅四色之士

師古曰尚書禹貢苞匭菁茅儒者以

為菁菜名也茅三脊茅也是謂善茅為菁茅也

而莽此言以菁茅為一物則是謂善茅為菁茅也

不以封也

菁音精

欽告于岱宗泰社后土先祖先妣以班授之

師古曰欽敬也班布也

各就厥國養牧民人用成功業其在緣邊

若江南非詔所召遣侍于帝城者納言掌貨大夫且調

都內故錢予其祿

師古曰調謂發取之

公歲八十萬侯

伯四十萬子男二十萬然復不能盡得莽好空言慕古

法多封爵人性實遴嗇

師古曰遴與吝同

託以地理未定故且

先賦茅土用慰喜封者是歲復明六筦之令每一筦下

爲設科條防禁犯者罪至死吏民抵罪者浸衆又一切

調上公以下諸有奴婢者率一口出錢三千六百天下

愈愁盜賊起

○宋祁曰起上當有興字

納言馮常以六筦諫莽大怒

免常官置執法左右刺姦選用能吏侯霸等分督六尉

六隊

師古曰督察也隊音遂

如漢刺史與三公士郡一人從事臨

淮瓜田儀等爲盜賊依阻曾稽長州

服虔曰姓瓜田名儀師古曰長州卽

枚乘所云長州之苑

琅邪女子呂母亦起初呂母子爲縣吏爲宰

所冤殺

師古曰宰縣令

母散家財以酤酒買兵弩

師古曰酤音姑

陰厚

貧窮少年得百餘人遂攻海曲縣殺其宰以祭子墓引

兵入海其衆浸多後皆萬數莽遣使者卽赦盜賊還言盜賊解輒復合問其故皆曰愁法禁煩苛不得舉手力作所得不足以給貢稅閉門自守又坐鄰伍鑄錢挾銅姦吏因以愁民民窮悉起爲盜賊莽大怒免之其或順指言民驕黠當誅及言時運適然且滅不久莽說輒遷之師古曰說讀日悅是歲八月莽親之南郊鑄作威斗威斗者以五石銅爲之李奇曰以五色藥石及銅爲之蘇林曰以五色銅鑄冶之師古曰李說是也若今作鎡音一葉反若北斗長二尺五寸欲以厭勝衆兵師古曰厭旣成令司命負之莽出在前入在御旁鑄斗日大寒百官人馬有凍死者五年正月朔北軍南門災以大司馬

司允費興為荊州牧見問到部方略興對曰荆揚之民

率依阻山澤以漁采為業

師古曰漁謂捕魚也采謂采取蔬果之屬

間者國

張六筦稅山澤妨奪民之利連年久旱百姓饑窮故為

盜賊興到部欲令明曉告盜賊歸田里假貸犁牛種食

師古曰貸音土戴反

闊其租賦

師古曰闊寬也

幾可以解釋安集

師古曰幾讀曰

冀莽怒免興官天下吏以不得奉祿並為姦利郡尹縣

宰家累千金莽下詔曰詳考始建國二年胡虜猾夏以

來諸軍吏及緣邊吏大夫以上為姦利增產致富者收

其家所有財產五分之四以助邊急公府士馳傳天下

考覆貪饕

師古曰傳音張戀反饕音吐高反

開吏告其將奴婢告其主

幾以禁姦

師古曰幾讀曰冀

姦愈甚皇孫功崇公宗坐自畫容

貌被服天子衣冠刻印三一日維祉冠存己夏處南山

臧薄冰

文穎曰祉福祚也冠存己欲襲代也應劭曰二夏處南山就陰涼也臧薄冰亦以除暑也

日肅聖寶繼

應劭曰莽自謂承聖舜後能肅敬得天寶龜以立宗欲繼其緒三日德封

昌圖

蘇林曰宗自言以德見封當遂昌熾受天下圖籍

又宗舅呂寬家前徙合

浦私與宗通發覺按驗宗自殺莽曰宗屬為皇孫爵為

上公知寬等叛逆族類而與交通刻銅印三文意甚害

不知厭足窺欲非望春秋之義君親毋將將而誅焉

師古

日春秋公羊傳之辭也以公子牙將為弑逆而誅之故云然也親謂父母也

迷惑失道自取

此辜嗚呼哀哉宗本名會宗以制作去二名今復名會

宗貶厥爵改厥號賜諡爲功崇繆伯以諸侯之禮葬于

故同穀城郡

師古曰同者宗所封一同之地

宗姊妨爲衛將軍王興夫

人祝詛姑殺婢以絕口事發覺莽使中常侍蹇卬責問

妨

師古曰蹇音帶又音徒蓋反

并以責興皆自殺事連及司命孔仁

妻亦自殺仁見莽免冠謝莽使尚書劾仁乘乾車駕坤

馬左蒼龍右白虎前朱鳥

○宋祁曰鳥當作雀

後玄武右杖威節

左負威斗號曰赤星非以驕仁廼以尊新室之威命也

仁擅免天文冠大不敬有詔勿劾更易新冠其好怪如

此

師古曰言莽性好爲鬼神怪異之事

以直道侯王涉爲衛將軍涉者曲

陽侯根子也根成帝世爲大司馬薦莽自代莽恩之

師古

曰懷其師古曰令善也曲以為曲陽非令稱陽之名非善稱也乃追諡根

曰直道讓公涉嗣其爵是歲赤眉力子都樊崇等放曰劉

力當以饑饉相聚起於琅邪轉鈔掠眾皆萬數遣使者

發郡國兵擊之不能克六年春莽見盜賊多乃令太史

推三萬六千歲歷紀六歲一改元布天下下書曰紫閣

圖曰太一黃帝皆僊上天師古曰僊古張樂崑崙度山

之上後世聖主得瑞者當張樂秦終南山之上服虔云

山詩所謂終南故予之不敏奉行未明乃今諭矣復以

甯使將軍為更始將軍以順符命易不云乎日新之謂

盛德生生之謂易李奇曰易道生諸當生者也師古予

其饗哉欲以誑耀百姓銷解盜賊衆皆笑之

○宋祁曰笑當作咲

初獻新樂於明堂太廟羣臣始冠麟韋之弁

李奇曰或鹿皮冠

聞其樂聲曰清厲而哀非興國之聲也是時關東饑旱

數年力子都等黨衆寢多

師古曰寢漸也

更始將軍廉丹擊益

州不能克徵還更遣復位後大司馬護軍郭興庸部牧

李暉擊蠻夷若豆等太傅義叔士孫喜清潔江湖之盜

賊而匈奴寇邊甚莽乃大募天下丁男及死罪囚吏民

奴名曰豬突豨勇以爲銳卒一切稅天下吏民訾三十

取一縑帛皆輸長安令公卿以下至郡縣黃綬皆保養

軍馬

師古曰保者言不許其有死失

多少各以秩爲差又博募有奇技

術可以攻匈奴者將待以不次之位言便宜者以萬數

或言能度水不用舟楫

師古曰楫所以刺舟也音集其字從木

連馬接騎

濟百萬師或言不持斗糧服食藥物三軍不饑或言能

飛一日千里可窺匈奴莽輒試之取大鳥翮為兩翼

師古

曰羽本日翮音胡隔反

頭與身皆著毛通引環紐飛數百步墮莽

知其不可用苟欲獲其名皆拜為理軍賜以車馬待發

初匈奴右骨都侯須卜當其妻王昭君女也嘗內附莽

遣昭君兄子和親侯王歙誘呼當至塞下脅將詣長安

強立以為須卜善于後安公

師古者善于者匈奴之號也後安公者中國之爵而

加之始欲誘迎當大司馬嚴尤諫曰當在匈奴右部兵不

侵邊單于動靜輒語中國此方面之大助也于今迎當

置長安豪街一胡人耳

師古曰豪街蠻夷館所在也不解在陳湯傳豪音工早反

如在匈奴有益莽不聽既得當欲遣尤與廉丹擊匈奴

皆賜姓徵氏號二徵將軍當誅單于與而立當代之

師古

日輿者時見為單于之名

出車城西橫廢未發尤素有智略非莽攻

伐四夷數諫不從著古名將樂毅白起不用之意及言

邊事凡三篇奏以風諫莽

師古曰風讀曰諷

及當出廷議尤固

言匈奴可且以為後先憂山東盜賊莽大怒乃策尤曰

視事四年蠻夷猾夏不能遏絕寇賊姦宄不能殄滅不

畏天威不用詔命兒佞自臧持必不移

師古曰兒古貌字也兒佞言其



食

○宋祁曰南本云臥則枕數尺鐵非是

此皇天所以輔新室也願陛下

作大甲高車賁育之衣遣大將一人與虎賁百人迎之

於道京師門戶不容者開高大之以視百蠻

師古曰視讀曰示

鎮安天下博意欲以風莽

晉灼曰諷言毋得篡盜而霸

莽聞惡之留

霸在所新豐

師古曰在所謂其見到之處

更其姓曰巨毋氏謂因文

母太后而霸王符也

師古曰莽字巨君若言文母出此人使我致霸王

徵博下

獄以非所宜言弃市明年改元曰地皇從三萬六千歲

歷號也地皇元年正月乙未赦天下下書曰方出軍行

師敢有趨謹犯法者輒論斬毋須時

師古曰趨謹謂趨走而謹謹也須待

也

盡歲止

師古曰至此歲盡而止

於是春夏斬人都市百姓震懼

道路以目二月壬申日正黑分惡之下書曰廼者日中

見昧陰薄陽黑氣為變

○宋卿曰蕭該音義曰昧字林云日方作末言昧爽旦明也日

闇昧云昧升勺後星也音芒入反予案易曰日中見沫非音昧也當首芒太反百姓莫不驚怪

兆域大將軍王匡

○劉奉世曰兆域二字無理當是北城字衍大字前有南城將軍此王匡

又別一王匡也遣吏考問上變事者欲蔽上之明是以適見于

天

師古曰適音謫謫責也以正于理塞大異焉莽見四音徒元反見音胡電反

方盜賊多復欲厭之

師古曰厭音一葉反又下書曰予之皇初祖

考黃帝定天下將兵為上將軍建華蓋立斗獻

師古曰獻音義

謂斗魁及杓末如勺之形也

內設大將外置大司馬五人大將軍二

十五人偏將軍百二十五人裨將軍千二百五十八校